

nongonongo ci cou

ine noana'o, pano moso nanala cihi ci cou, leanana sokaebũ mimimio ne fuengu ho micu uk'ana hioa. moso concihie, mio maito leasi hioa ho mimio ne fuengu, o'amo ahtu teolũ no yuansou.

mio anana'o kaebũ cocoeconũ, mio i'vaho emo'usnu maica, ci teolũi 'o smoh'picihe mo mayo to nghou, isi yainca no 'tohũngũsi o'atesis'a cohivi no himnonu, avaho uk'a cimo baito, isicu e'kacia 'o smoh'pici ho yaa 'o nia nghou, micu pasunaeno ho hafa maine'e.

suc'ũhũ to emoosi, 'osnia sum'um'i hocu bumemeala toniovi 'o nia nghou, aũla aepũnga teoteai, micu maine'e 'o amosi, isicu tuocosi to amosi ho yainca. “ ci miko suaemi maitan'e, iko yaa no nenu? ” mo tmupopoha'o ho mainca. “ 'a... 'a... i'oc'o yaa to smoh'picihe. ” talũi to amosi 'o e'esi, kuici su'no ho yainca. “ mo mainci aha'o mayo no nuuhe, 'osnia soveia no iko yai. ”

mio'so na'no sũ'no 'o amosi, isicu a'ũmta teapha no keũpũsi na
ohsicu teoteai ci nghou, ho hafa yuovei no fuengu, ho i'vaha
maito auyusi ho sko'eyacpa no smoh'pici.

micu hucma, isicu usa no himnonu na smoh'picisi ho aiti, ci
na'no fũecũ'ia ho uk'a m'um'u namo mumio, isi ocea
husansani 'omo mumio to smoh'pici, mo mioci e'toheũngcũ ho
mainca na 'tohũngũsi.... "ita hia'ucu mameoi, o'a mi'ocu ahtu
baito nomo maica ci yuansou, isi a'ũmta hicva
a'o." o'ana isi usa ho aiti na mocmo ci smoh'picisi,
micu mososonũ emamaine'e, ho 'osni biebimi to yoifo ho poa
teaineni, mo ake'i aomane homo 'atutumio.

moso hosoyũma, 'e cou eni moso e'ohũ ho uhne patunkuonũ ho
eya fou, aũũ mũchũ no yuho ho mio, mio e'ohũ ne mon'a
feũngna, sũc'ũhũ ne patunkuonũ ho mon'a na'no taseona. 'osni
baito nomo conĩ ci 'ua, mo'so angu soyũmũ, mo yatunga
na t'angosi no 'ua ho o'te meelũ aot'ou, na'no kokaekaebeũ na
cou, ho ngov'eni no sungu no 'ua na keũpũsi ho yainca. " nuu'u
eni. "

micu nana i'vaho emo'usnu maica, ho mainca na 'tohungusi. “ t
e'on'a i'vaho teu'tumu no nte'o yaa. ” micu nana 'aoko coeconu,
o'amo ahtu elu, aamzocu noana'o hie hocu cohiona, micu
maezo kuici sio. 'iyama isi ngov'eni to sungu to 'ua na keupusi,
o'a isi ake'a talua hafa 'o tesa ana, micu mainca. “ tec'o maica,
te'ocu yuoveia 'o 'ua'u, bonu na'a ta'ucu hafa maine'e. ”

isicu yuoveia 'o 'uasi, 'iyama ohsicu hinoyanva no hie, hocu
meelu aot'ot'ou na 'ua hocu toekameosu, a'vinano yaeza hafa
na keupusi, ataveisi 'e cou eni, micu uk'ana 'o 'uasi, uk'ana 'o
keupusi, uk'ana 'o cuyusi, hocu na'no sio ho maine'e.

不太聰明的人

以前有一個人，沒事很喜歡去深山走走。有一天，就像平常一樣去打獵，一隻動物都沒看到。

他就是喜歡走走，他又再次去深山，看到了他人的陷阱夾到猴子，他心想反正沒人看到，主人不會知道是誰拿走的，就把獸夾拉開，唱著歌把猴子帶回家了。

抵達他的家裡，馬上火燒毛然後用水洗得很乾淨，弄完後爸爸回家了。爸爸就問：「你今天好運喔！是在哪裡拿到的？」

他很小聲回答說：「我…我…我從別人的陷阱直接拿回來的。」

爸爸聽了他的話非常生氣的說：「你為何拿別人的東西？你馬上把它放回原來的地方。」

因為爸爸很生氣，他真的把已處理好了的猴子放入背袋裡，帶回山裡再放回陷阱夾著。

隔天，陷阱的主人來巡，他看到被夾著的動物是又白又沒毛，他真想再看清楚結果差點暈過去，心想：「我活這把年紀了，沒見過這樣的動物，我真的見鬼了。」他沒再去看其他的陷

阱，就快速地回家，直接去找巫師幫他去除惡靈，他有很多天不舒服。

冬天了，他去玉山打獵，那時剛好下雪，他啟程還未天亮，到了玉山太陽未升起。不遠處馬上看到一隻水鹿，因為太寒冷水鹿的腳凍住而無法動彈，這人很高興的把背袋掛在鹿角上說：「這是我的。」

他再次走到更裡面心想，「我還要再尋找看看。」

走了很遠都沒找著，太陽高掛天空已中午了，肚子咕嚕咕嚕地叫著。他忘了背袋是掛在鹿角上，便當在背袋內。「這樣就好，折返去拿我的水鹿，先吃飽再帶回家。」

他折返去水鹿那裡，原來太陽出來雪溶化後水鹿又可以活動就跑掉了，到最後這獵人，水鹿沒了，背袋沒了，便當也沒了，餓著肚子回家。